

## CHÚIRT GHINEARÁLTA

**Breithiúnas na Cúirte Ginearálta an 1 Márta 2023 – Hengshi Egypt Fiberglass Fabrics agus Jushi Egypt for Fiberglass Industry v an Coimisiún**

(Cás T-301/20) <sup>(1)</sup>

*(Dumpáil – Allmhairí fabraicí snáithíní gloine fite agus/nó fuaite áirithe de thionscnamh Dhaon-Phoblacht na Síne agus na hÉigipte – Rialachán Cur Chun Feidhme (AE) 2020/492 – Dleacht frithdhumpála chinntitheach – Ríomh an ghnáthluacha – Airteagal 2(5) de Rialachán (AE) 2016/1036 – Earráid fhollasach measúnaithe – Díobháil – Ríomh an chorr-laigh shladghearrtha)*

(2023/C 134/08)

Teanga an cháis: an Béarla

### Páirtithe

**Iarratasóirí:** Hengshi Egypt Fiberglass Fabrics SAE (Ain Soukhna, an Éigipt), Jushi Egypt for Fiberglass Industry SAE (Ain Soukhna) (ionadaithe: B. Servais agus V. Crochet, Dlíodóirí)

**Cosantóir:** An Coimisiún Eorpach (ionadaithe: P. Němečková agus G. Luengo, Gníomhairí)

**Idiragraí, mar thaca leis an gcosantóir:** Tech-Fab Europe eV (Frankfurt am Main, an Ghearmáin) (ionadaithe: L. Ruessmann agus J. Beck, Dlíodóirí)

### Ábhar

Trína gcaingean atá bunaithe ar Airteagal 263 CFAE, iarrann na hiarratasóirí ar an gCúirt go ndéanfaí Rialachán Cur Chun Feidhme (AE) 2020/492 ón gCoimisiún an 1 Aibreán 2020 lena bhforchuirtear dleachtanna frithdhumpála cinntitheacha ar allmhairí fabraicí snáithíní gloine fite agus/nó fuaite áirithe de thionscnamh Dhaon-Phoblacht na Síne agus na hÉigipte (IO 2020 L 108, lch. 1) a neamhniú, a mhéid a bhaineann sé leo.

### An chuid oibríochtúil

- 1) Diúltaítear don achomharc.
- 2) Ordaítear do Hengshi Egypt Fiberglass Fabrics SAE agus Jushi Egypt for Fiberglass Industry SAE a gcostais féin, chomh maith leis na costais arna dtabhú ag an gCoimisiún Eorpach, a íoc.
- 3) Ordaítear do Tech-Fab Europe eV a chostais féin a íoc.

<sup>(1)</sup> IO C 247, 27.7.2020.

**Breithiúnas na Cúirte Ginearálta an 1 Márta 2023 – Hengshi Egypt Fiberglass Fabrics agus Jushi Egypt for Fiberglass Industry v an Coimisiún**

(Cás T-480/20) <sup>(1)</sup>

*(Fóirdheontais – Allmhairí fabraicí snáithíní gloine fite nó fuaite áirithe de thionscnamh na Síne agus na hÉigipte – Rialachán Cur Chun Feidhme (AE) 2020/776 – Dleacht frithchúitimh chinntitheach – Méid an fhóirdheontais a ríomh – Cuntasacht an fhóirdheontais – Cearta cosanta – Earráid fhollasach measúnaithe – Córas aistarraingthe dleacht allmhairiúcháin – Déileáil cánach le caillteanais malairte eachtraí – Corrlach sladghearrtha a ríomh)*

(2023/C 134/09)

Teanga an cháis: an Béarla

### Páirtithe

**Iarratasóirí:** Hengshi Egypt Fiberglass Fabrics SAE (Ain Soukhna, an Éigipt), Jushi Egypt for Fiberglass Industry SAE (Ain Soukhna) (ionadaithe: B. Servais agus V. Crochet, Dlíodóirí)

*Cosantóir:* An Coimisiún Eorpach (ionadaithe: P. Kienapfel, G. Luengo agus P. Němečková, i gcáil Gníomhairí)

*Idiragraí, mar thaca leis an gcosantóir:* Tech-Fab Europe eV (Frankfurt am Main, an Ghearmáin) (ionadaithe: L. Ruessmann agus J. Beck, Dlíodóirí)

### Ábhar

Lena gcaingean faoi Airteagal 263 CFAE, iarrann na h-iarratasóirí go gcuirfí Rialachán Cur Chun Feidhme (AE) 2020/776 ón gCoimisiún an 12 Meitheamh 2020, lena bhforchuirtear dleachtanna frithchúitimh cinntitheacha ar allmhairí fabraicí snáithíní gloine fite agus/nó fuaite áirithe de thionscnamh Dhaon-Phoblacht na Síne agus na hÉigipte agus lena leasaítear Rialachán Cur Chun Feidhme (AE) 2020/492 ón gCoimisiún lena bhforchuirtear dleachtanna frithdhumpála cinntitheacha ar allmhairí fabraicí snáithíní gloine fite agus/nó fuaite áirithe de thionscnamh Dhaon-Phoblacht na Síne agus na hÉigipte (IO 2020 L 189, lch. 1), a mhéid a bhaineann sé leo, ar neamhní.

### An chuid oibríochtúil

- 1) Diúltaítear don chaingean.
- 2) Ordaítear do Hengshi Egypt Fiberglass Fabrics SAE agus Jushi Egypt for Fiberglass Fabrics Industry SAE a gcostais féin, chomh maith leis na costais arna dtabhú ag an gCoimisiún Eorpach, a íoc.
- 3) Ordaítear do Tech-Fab Europe eV a chostais féin a íoc.

(<sup>1</sup>) IO C 304, 14.9.2020.

## Breithiúnas na Cúirte Ginearálta an 1 Márta 2023 – Jushi Egypt for Fiberglass Industry v an Coimisiún (Cás T-540/20) (<sup>1</sup>)

*(Fóirdheontais – Allmhairí táirgí snáithíneach leanúnach gloine de thionscnamh na hÉigipte – Rialachán Cur Chun Feidhme (AE) 2020/870 – Dleacht frithchúitimh chinntitheach agus bailiú cinntitheach den dleacht frithchúitimh shealadach – Cearta cosanta – Cuntasacht an fhóirdheontais – Earráid fhollasach measúnaithe – Córas aistarraingthe dleacht allmhairiúcháin – Déileáil cánach le caillteanais malairte eachtraí – Corrlach sladghearrtha a ríomh)*

(2023/C 134/10)

*Teanga an cháis: an Béarla*

### Páirtithe

*Iarratasóir:* Jushi Egypt for Fiberglass Industry SAE (Ain Soukhna, an Éigipt) (ionadaithe: B. Servais agus V. Crochet, Dlíodóirí)

*Cosantóir:* An Coimisiún Eorpach (ionadaithe: P. Kienapfel, G. Luengo agus P. Němečková, i gcáil Gníomhairí)

*Idiragraí, mar thaca leis an gcosantóir:* Cumann Táirgeoirí Snáithín Gloine na hEorpa (APFE) (Ixelles, an Bheilg) (ionadaithe: L. Ruessmann agus J. Beck, Dlíodóirí)

### Ábhar

Lena chaingean faoi Airteagal 263 CFAE, iarrann an t-iarratasóir go gcuirfí Rialachán Cur Chun Feidhme (AE) 2020/870 ón gCoimisiún an 24 Meitheamh 2020, lena bhforchuirtear dleacht frithchúitimh chinntitheach agus lena mbailítear go cinntitheach an dleacht frithchúitimh shealadach arna forchur ar tháirgí de shnáithín gloine filiméadach leanúnach de thionscnamh na hÉigipte, agus lena ndéantar an dleacht frithchúitimh chinntitheach a thobhach ar allmhairí cláraithe táirgí de shnáithín gloine filiméadach leanúnach de thionscnamh na hÉigipte (IO 2020 L 201, lch. 10), a mhéid a bhaineann sé leis, ar neamhní.

### An chuid oibríochtúil

- 1) Diúltaítear don chaingean.